

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Na osnovu člana 18. Zakona o principima lokalne samouprave u Federaciji BiH (“Službene novine Federacije BiH”, broj: 49/06 i 51/09), člana 35. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i člana 18. Statuta Općine Maglaj (“Službene novine Općine Maglaj”, broj: 8/07, 3/08 i 6/08), Općinsko vijeće Maglaj na sjednici održanoj dana 30.12.2020. godine, donosi

O D L U K U
o privremenom finansiranju Općine Maglaj
za period 01.01. - 31.03.2021. godine

Član 1.

Ovom Odlukom odobrava se privremeno finansiranje Općine Maglaj do donošenja Budžeta Općine Maglaj za 2021. Fiskalnu godinu, a najduže za period od 01.01. - 31.03.2021. godine.

Član 2.

Privremeno finansiranje Općine Maglaj za period iz člana 1. ove Odluke utvrđuje se u visini sredstava utrošenih u istom razdoblju u Budžetu za prethodnu fiskalnu godinu, odnosno najviše do iznosa tromjesečnog prosjeka utrošenih sredstava za prethodnu fiskalnu godinu.

Član 3.

Sredstva Budžeta Općine Maglaj utrošena u periodu privremenog finansiranja izvršavat će se u skladu sa Odlukom o izvršavanju Budžeta Općine Maglaj za 2020. godinu („Službene novine Općine Maglaj“, broj: 11/19).

Osnovica za obračun plaća utvrđena je na osnovu Sporazuma broj: 01-45-1-/20 od 29.12.2020. godine, postignutog između Načelnika općine i predsjednika Sindikalne organizacije državnih službenika i namještenika Općine Magla, kojim se utvrđuje osnovica za obračun plaće u visini od 286,00KM i bod u visini od 1,05.

Osnovica za obračun plaće iz prethodnog stava i bod za obračun plaće primjenjivat će se za period 01.01.2021. godine do 31.12.2021.godine.

Član 4.

Tokom perioda privremenog finansiranja mogu se finansirati programi i aktivnosti koji su finansirani tokom prethodne fiskalne godine, odnosno planirani i započeti kapitalni projekti Budžeta Općine Maglaj u 2020. fiskalnoj godini, a čija realizacija nije okončana mogu se nastaviti realizirati u 2021. fiskalnoj godini do iznosa odobrenog Budžetom za prethodnu fiskalnu godinu.

Član 5.

Dok se ne odobri Budžet Općine Maglaj za 2021. fiskalnu godinu ne mogu se započeti novi ili proširiti postojeći kapitalni projekti i aktivnosti.

Član 6.

Ostvareni prihodi i primici, te izvršeni rashodi i izdaci ostvareni u periodu privremenog finansiranja uključuju se u Budžet Općine Maglaj za 2021. fiskalnu godinu.

Član 7.

Ova Odluka stupa na snagu danom donošenja i ima se objaviti u „Službenim novinama Općine Maglaj“, a primjenjivat će se od 01.01.2021. godine.

Broj: 02-04-1-343/20
Maglaj, 30.12.2020.godine

PREDSJEDAVAJUĆA
Svjetlana Zamboni